

SALLUSTIUS.

Sæpe audiui Q. Maximum, P. Scipionem, præterea Civitatis Nostræ præclaros Viros, solitos ita dicere; cum Majorum imagines intuerentur, vehementissimè sibi animum ad virtutem accendi. Scilicet non ceram illam, neque figuram tantam vim in sese habere; sed memoriâ rerum gestarum eam flammam egregiis viris in pectore crescere, neque prius sedari, quam virtus, eorum famam atque gloriam adæquaverit.